



- SENAT -

Broj: 01-12-1/22

Sarajevo, 09. 09. 2022. godine

**Z A P I S N I K**  
**SA 31. VANREDNE SJEDNICE SENATA**  
**UNIVERZITETA U SARAJEVU ODRŽANE 09. 09. 2022. GODINE**

**Prisutni članovi/članice Senata:** prof. dr. Rifat Škrijelj, rektor Univerziteta u Sarajevu, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Jasmina Selimović, Elvis Fejzić (po ovlaštenju), prof. dr. Haris Alić, prof. dr. Ahmed Ahmić (po ovlaštenju), prof. dr. Samir Bojičić (po ovlaštenju), prof. dr. Fahir Bečić, doc. dr. Minka Džanko (po ovlaštenju), prof. dr. Samir Dolarević, prof. dr. Darko Tomašević, prof. dr. Đerzija Begić-Hajdarević (po ovlaštenju), prof. dr. Amina Valjevac, prof. mr. Ališer Sijarić, prof. dr. Daniel Maleč, prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Mirjana Gojkov-Vukelić (po ovlaštenju), prof. dr. Ahmet Lojo, prof. dr. Muhamed Smajlović, dr. sc. Sanin Haverić (po ovlaštenju), dr. sc. Adnan Kadrić, prof. dr. Rasim Muratović, dr. sc. Nihad Ibrišimović (po ovlaštenju), dr. sc. Sedad Bešlija, prof. dr. Enra Mehmedika-Suljić (po ovlaštenju), Adisa Žero (po ovlaštenju), doc. dr. Amel Delić (po ovlaštenju), te predstavnici Udruženja Studentski parlament Univerziteta u Sarajevu: Faruk Dević, predsjednik, Emin Zaimović, Rijad Kaniža, Edin Mujezin (po ovlaštenju) Maja Mešković (po ovlaštenju) i Adi-Selman Hajrić (po ovlaštenju).

**Ostali prisutni:** prof. dr. Dženana Husremović, prorektorica za nastavu i studentska pitanja, prof. dr. Tarik Zaimović, prorektor za finansije, prof. dr. Mirza Dautbašić, prorektor za naučnoistraživački rad, prof. dr. Dušanka Bošković, prorektorica za kvalitet, Tamara Karača-Beljak, prorektorica za umjetnost, kulturu i sport, prof. dr. Enita Nakaš, prorektorica za međunarodnu saradnju, Merjema Srna, studentica-prorektorica, te Kenan Filipović, generalni sekretar i Berina Smajlović-Doljančić, rukovoditeljica Službe za pravne poslove.

**Odsutni članovi/članice Senata:** Naida Bašić, predstavnica Udruženja Studentski parlament Univerziteta u Sarajevu.

Sjednica je počela u 10:00 sati.

Utvrđeno je da od ukupno 41 člana Senata sjednici prisustvuje 40 članova Senata, od toga 14 članova sa ovlaštenjem koje se nalazi u dokumentaciji Senata.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Na prijedlog prof. dr. Rifata Škrijelja, jednoglasno je usvojen slijedeći

### **DNEVNI RED:**

1. Izbori u akademska zvanja
2. Dopuna Tumačenja člana 199. stav (1) Statuta Univerziteta u Sarajevu
3. Nastava i studentska pitanja
4. Imenovanje Komisije za ocjenu aplikacija po projektima Federalnog ministarstva obrazovanja i nauke
5. Promocija diplomanata i magistranata fakulteta i akademija Univerziteta u Sarajevu za 2022. godinu
6. Inicijativa za organizaciju UNICA konferencije na Univerzitetu u Sarajevu

### **TOK SJEDNICE:**

#### **Ad-1.**

##### **a) Izbori u akademska zvanja:**

Prof. dr. Rifat Škrijelj ukratko je upoznao članove Senata da se u materijalima za današnju sjednicu nalaze prijedlozi za izbore u akademska zvanja koji su utvrđeni na vijećima fakulteta u julu 2022. godine i dostavljeni Univerzitetu.

S ciljem poštivanja rokova propisanih odredbama Zakona o visokom obrazovanju i Statuta Univerziteta u Sarajevu, jednoglasno su donesene odluke kojima je izvršen izbor u akademska zvanja kako slijedi:

#### **ARHITEKTONSKI FAKULTET**

- Ammar Akšamija, MA u zvanje višeg asistenta za oblast *Teorija i historija arhitekture i zaštita graditeljskog naslijeđa*

#### **ELEKTROTEHNIČKI FAKULTET**

- Dr. Razija Turčinhodžić Mulahasanović u zvanje vanredne profesorice za oblast *Računarstvo i informatika*

#### **FAKULTET ISLAMSKIH NAUKA**

- Dr. Dževad Šošić u zvanje redovnog profesra za oblast *Kiraet*
- Dr. Aid Smajić u zvanje redovnog profesora za oblast *Psihologija*

#### **ŠUMARSKI FAKULTET**

- Dr. Sead Ivojević u zvanje vanrednog profesora za oblast *Uzgajanje šuma i urbanog zelenila*

## VETERINARSKI FAKULTET

- Dr. Enida Članjak - Kudra u zvanje vanredne profesorice za oblast *Veterinarsko – higijenski nadzor proizvodnje, prerade i prometa hrane*

### Ad-2.

#### Dopuna Tumačenja člana 199. stav (1) Statuta Univerziteta u Sarajevu:

S ciljem primjene principa jednakosti u mogućnostima i tretmanu na ostvarivanje prava na prijevremeno napredovanje akademskog osoblja Univerziteta u Sarajevu, **jednoglasno je data**

## D O P U N A T U M A Č E N J A STATUTA UNIVERZITETA U SARAJEVU

### I

U Tumačenju Statuta Univerziteta u Sarajevu, broj: 01-9-134/22 od 29. 06. 2022. godine, u tački II vrši se dopuna kako slijedi:

*„Tumačenje iz tačke I se ne odnosi na prijedloge izbora u akademska zvanja utvrđene dinamičkim planom za akademsku 2021/2022. i 2022/2023. godinu.“*

### II

Ova dopuna Tumačenja predstavlja sastavni dio Tumačenja Statuta Univerziteta u Sarajevu, broj: 01-9-134/22 od 29. 06. 2022. godine i objavit će se na web stranici Univerziteta u Sarajevu.

### Ad-3.

#### Nastava i studentska pitanja:

##### a) Jednoglasno je donesena

## O D L U K A O ANGAŽMANU AKADEMSKOG OSOBLJA

### I

Usvaja se prijedlog Odluke Vijeća Univerziteta u Sarajevu – Stomatološkog fakulteta sa klinikama broj: 01-4-2-SI-2/2022 od 07. 09. 2022. godine, kojom se dr. Vedran Markotić, docent na Medicinskom fakultetu Sveučilišta u Mostaru angažira za održavanje preostalih ispitnih rokova studentima integriranog studija Univerziteta u Sarajevu – Stomatološkog fakulteta sa klinikama na predmetima *Osnovi kliničke radiologije* i *Dentalna radiologija* u akademskoj 2021/2022. godini.

### II

Ova odluka stupa na snagu danom donošenja, a realizirat će je Univerzitet u Sarajevu – Stomatološki fakultet sa klinikama.

### *O b r a z l o ž e n j e*

U cilju realizacije preostalih ispitnih rokova studentima integriranog studija Univerziteta u Sarajevu – Stomatološkog fakulteta sa klinikama na predmetima *Osnovi kliničke radiologije* i *Dentalna radiologija* u akademskoj 2021/2022. godini, Vijeće Univerziteta u Sarajevu –

Stomatološkog fakulteta sa klinikama je na sjednici održanoj 07. 09. 2022. godine, donijelo prijedlog Odluke o angažmanu dr. Vedrana Markotića, docenta na Medicinskom fakultetu Sveučilišta u Mostaru za realizaciju preostalih ispitnih rokova studentima integriranog studija Univerziteta u Sarajevu – Stomatološkog fakulteta sa klinikama na predmetima *Osnovi kliničke radiologije* i *Dentalna radiologija* u akademskoj 2021/2022. godini.

Cijeneći naprijed navedeno, a uvažavajući iskazanu potrebu, Senat Univerziteta u Sarajevu je donio odluku kao u dispozitivu.

**b) Uz 1 (jedan) glas „Protiv“ i 2 (dva) „Suzdržana“ glasa, donesena je slijedeća**

## **ODLUKA**

### **I**

Drugi ispitni termin u septembarskom roku akademske 2021/2022. godine se organizira na način da studenti imaju pravo polagati sve preostale ispite.

### **II**

Fakulteti/akademije/centri Univerziteta u Sarajevu mogu pripremiti raspored polaganja ispita iz tačke I ove odluke na način da dva ispita iz jedne studijske godine budu planirani u jednom danu (u prijepodnevnim i popodnevnim satima), te da ispiti budu organizirani u periodu utvrđenom Akademskim kalendarom Univerziteta u Sarajevu u terminu od 16. 09. - 30. 09. 2022. godine.

### **III**

U pripremi rasporeda polaganja ispita iz člana I ove odluke, daje se prioritet studentima završnih godina prvog ciklusa studija i to na način da se na fakultetima/akademijama Univerziteta u Sarajevu na kojima je planiran prijemni ispit i gdje je rok za prijavu na Konkurs za upis do 23. 09. 2022. godine, sve obaveze, uključujući i pregledavanje ispita, upis ocjena u eUNSA/ISSS sistem, te odbrane završnih radova, okončaju do 21. 09. 2022. godine.

### **IV**

Zadužuju se studentske službe na fakultetima/akademijama Univerziteta u Sarajevu iz tačke III ove odluke da osiguraju potrebne dokumente za prijavu na Konkurs za upis na II ciklus studija do 22. 09. 2022. godine.

### **V**

Na fakultetima/akademijama Univerziteta u Sarajevu na kojima nije predviđeno polaganje prijemnih ispita i gdje je rok za prijavu na Konkurs za upis do 30. 09. 2022. godine, sve obaveze, uključujući i pregledavanje ispita, upis ocjena u eUNSA/ISSS sistem, te odbrane završnih radova, treba da se završe do 28. 09. 2022. godine.

### **VI**

Zadužuju se studentske službe na fakultetima/akademijama Univerziteta u Sarajevu iz tačke V ove odluke da pripreme dokumente potrebne za prijavu na Konkurs za upis zaključno sa 29. 09. 2022. godine.

### **VII**

Ova odluka stupa na snagu danom donošenja, a primjenjuje se od dana stupanja na snagu Zakona o visokom obrazovanju („Službene novine Kantona Sarajevo“, broj: 36/22).

## ***O b r a z l o ž e n j e***

Razmatrajući Inicijativu Udruženja Studentski parlament Univerziteta u Sarajevu, broj: 100/22-23 od 05. 09. 2022. godine, a uvažavajući činjenicu da je Skupština Kantona Sarajevo na sjednici održanoj 29. 08. 2022. donijela Zakon o visokom obrazovanju kojim je omogućeno organiziranje septembarskog ispitnog roka u jednom ili više termina za polaganje svih ispita iz oba semestra, donosi se Odluka kao u dispozitivu.

c) U skladu sa stavovima istaknutim u diskusiji, **jednoglasno je donesena slijedeća**

### **O D L U K A**

#### **I**

Utvrđuje se prijedlog za raspisivanje dodatnog prijavnog roka za upis studenata u prvu godinu prvog i drugog ciklusa studija na Univerzitetu u Sarajevu u akademskoj 2022/2023. godini.

#### **II**

Prijedlog dopune teksta Konkursa za upis studenata u prvu godinu studija na Univerzitetu u Sarajevu u akademskoj 2022/2023. godini čini sastavni dio ove odluke i upućuje se Ministarstvu za nauku, visoko obrazovanje i mlade Kantona Sarajevo, na dalje postupanje.

#### **Ad-4.**

**Imenovanje Komisije za ocjenu aplikacija po projektima Federalnog ministarstva obrazovanja i nauke:**

a) **Jednoglasno je donesena**

### **O D L U K A**

**o imenovanju Komisije za izbor projektnih prijedloga članica Univerziteta u Sarajevu po Javnom pozivu Federalnog ministarstva obrazovanja i nauke za podršku projektima iz oblasti za podršku projektima iz oblasti obrazovanja i nauke u 2022. godini**

#### **I**

Imenuje se Komisija za izbor projektnih prijedloga članica Univerziteta u Sarajevu po *Javnom pozivu Federalnog ministarstva obrazovanja i nauke za podršku projektima iz oblasti za podršku projektima iz oblasti obrazovanja i nauke u 2022. godini*, u slijedećem sastavu:

1. Prof. dr. Mirza Dautbašić, prorektor za naučnoistraživački rad Univerziteta u Sarajevu, predsjednik
  2. Prof. dr. Jasmin Ahić, predsjednik Vijeća Grupacije društvenih nauka, član
  3. Prof. dr. Darko Tomašević, predsjednik Vijeća Grupacije humanističkih nauka, član
  4. Prof. dr. Arzija Pašalić, predsjednica Vijeća Grupacije medicinskih nauka, članica
  5. Prof. dr. Nusret Drešković, predsjednik Vijeća Grupacije prirodno-matematičkih i biotehničkih nauka, član
  6. Prof. dr. Erdin Salihović, predsjednik Vijeća Grupacije tehničkih nauka, član i
  7. Prof. mr. Ališer Sijarić, predsjednik Vijeća Grupacije umjetnosti, član.
- Sekretar Komisije: Maida Hadžiabdić, stručna saradnica za naučnoistraživački rad.

#### **II**

Zadatak Komisije iz tačke I ove odluke je provođenje evaluacije i izbor dostavljenih projektnih

prijedloga organizacionih jedinica Univerziteta u Sarajevu u skladu sa tekstom Javnog poziva Federalnog ministarstva obrazovanja i nauke za podršku projektima iz oblasti nauke u 2022. godini, kojim je limitiran maksimalan broj prijava Univerziteta u Sarajevu po programima.

### III

Rok za izbor i slanje projektnih prijedloga organizacionih jedinica Univerziteta u Sarajevu koji će biti prijavljeni na Javni poziv je 14. septembar 2022. godine.

**b) Jednoglasno je donesen slijedeći**

### ZAKLJUČAK

Produžava se rok za dostavu projektnih prijedloga članica Univerziteta u Sarajevu po *Javnom pozivu Federalnog ministarstva obrazovanja i nauke za podršku projektima iz oblasti za podršku projektima iz oblasti obrazovanja i nauke u 2022. godini*, zaključno sa danom 09. 09. 2022. godine do 16:00 sati.

**Ad-5.**

**Promocija diplomanata i magistranata fakulteta i akademija Univerziteta u Sarajevu za 2022. godinu:**

**Jednoglasno je donesen slijedeći**

### ZAKLJUČAK

1. Promocija diplomanata i magistranata fakulteta i akademija Univerziteta u Sarajevu za 2022. godinu održat će se u terminu predviđenim Akademskim kalendarom Univerziteta u Sarajevu za studijsku 2022/2023. godinu.
2. Realizacija Promocije diplomanata i magistranata fakulteta i akademija Univerziteta u Sarajevu za 2022. godinu organizirat će se u istom danu u dva dijela i to svečani dio Promocije održat će se u Bosanskom kulturnom centru, dok će u drugom dijelu dodjela diploma diplomantima i magistrantima fakulteta i akademija Univerziteta u Sarajevu biti održana na matičnim fakultetima, akademijama i Centru.
3. Zadužuje se prof. dr. Tamara Karača-Beljak, prorektorica za umjetnost, kulturu i sport da u saradnji sa resornim službama na fakultetima i akademijama, Službom za umjetnost, kulturu i sport i Službom za nastavu i studentska pitanja Univerziteta u Sarajevu, koordinira aktivnosti na organizaciji i realizaciji tačke 2. ovog zaključka.

**Ad-6.**

**Inicijativa za organizaciju UNICA konferencije na Univerzitetu u Sarajevu:**

**Jednoglasno je donesen slijedeći**

### ZAKLJUČAK

1. Senat Univerziteta u Sarajevu podržava Inicijativu za organizaciju UNICA konferencije na Univerzitetu u Sarajevu.

2. Zadužuju se prof. dr. Enita Nakaš, prorektorica za međunarodnu saradnju Univerziteta u Sarajevu, prof. dr. Nihad Fejzić, direktor Centra za interdisciplinarnu studiju Univerziteta u Sarajevu – prof. dr. Zdravko Grebo i mr. sc. Lejla Hajro, direktorica Direkcije za izgradnju i održavanje Kampusa Univerziteta u Sarajevu da za narednu sjednicu Senata pripreme pisanu informaciju o dinamici aktivnosti na organizaciji konferencije iz tačke 1. ovog zaključka.
3. Zadužuje se prof. dr. Enita Nakaš, prorektorica za međunarodnu saradnju Univerziteta u Sarajevu da u koordinaciji sa predstavnicima UNICE dogovori termin održavanja konferencije do kraja 2022. godine.

#### **Ad-7.**

##### **Informacije:**

- a) Prof. dr. Rifat Škrijelj obavijestio je članove i članice Senata da je u četvrtak 8. septembra 2022. godine u „Službenim novinama Kantona Sarajevo“, broj 36/22 objavljen Zakon o visokom obrazovanju. S tim u vezi, prof. dr. Rifat Škrijelj je istakao da će se u predstojećem periodu pokrenuti aktivnosti na izradi podzakonskih akata, prije svega Statuta Univerziteta u Sarajevu.
- b) Prof. dr. Rifat Škrijelj informisao je članove Senata o planiranim aktivnostima koje će se pokrenuti s ciljem ostvarivanja što bolje pozicije Univerziteta u Sarajevu na svjetskoj rang-listi univerziteta *Webometrics*, a koje se odnose posebno na kriterij isticanja „ino“ linkova na web stranicama organizacionih jedinica Univerziteta u Sarajevu.
- c) Prof. dr. Rifat Škrijelj upoznao je članove i članice Senata o dinamici aktivnosti na realizaciji projekta izgradnje i opremanja Biblioteke Univerziteta u Sarajevu. Istakao je da je tender za odabir firme koja izvodi radove i oprema zgradu Biblioteke okončan, te da se ubrzo očekuje početak građevinskih radova.
- d) Prof. dr. Rifat Škrijelj informisao je članove Senata da Odsjek za fiziku Prirodno-matematičkog fakulteta u novu akademsku godinu ulazi bogatiji za vrijednu opremu koja je nabavljena u okviru modernizacije koju finansira dr. Edmond Offermann. Također se realiziraju i aktivnosti na modernizaciji ostalih odsjeka, uz značajnu pomoć Vlade Kantona Sarajevo.

Sjednica je završena u 11:30 sati.

**REKTOR**

*Prof. dr. Rifat Škrijelj, s.r.*

*Zapisničar:*

*Alma Voloder-Madacki, s. r.*